

Өөдөн даалгъвр

Яшкульск района „Кировский“ совхозин кōдлāчнр КПСС-н XXI хургт ур Н. С. Хрущевин кех докладин тезисмүдиг икәр таасцхадж, толрха даалгъврмуд авцхадж йовна. Государствд орулдж өгх ноосна, махна эн джилā зурагъан болзгасн урд кӯцāгъад, КПСС-н XXI хургиг производственн улм ик диилврәр тосхар зүткдж йовцхана.

Эн джил совхозд хōд цугтан багтх кошармуд бāāнā хōбчнр нургълдж бāāх гермүдәр теткгдв.

Кемрджāн нидн джил хōдт ус зōблдж өгād ик гару гаргълг бāāсн болхла, эн джил зуг негхн отарт усн бочкар зōбгддж услгдхмн. Совхоз хōдтāн эн үвл өгх өвсән ко-

шар болгънур зōблдж овалджана, дакад хōбдин 70 процентднь кӯрм концентрат шимтā хот белдгдсн бāāнā.

Долан джилин эргцд „Кировский“ совхозин хōн 2,9 холван, үкр малнь 2,5 холван, торгън ноос киргълдж авлгън 2,4 холван, махн—2,4 холван икдхмн. Зуг 1959 джилд совхозд шатта 30 хулг, хойр артизан малтгдхмн, хойр пруд кегдхмн. Арви шин кошар тосхгдхмн.

Долан джилā зурагъар өмнāн тāvгдсн тōрмүдиг кӯцāхин тōлā совхозин кōдлāчнр зүткдж йовна, кӯцāхнь чигн лавта.

В. МУХИН,

„Кировский“ совхозин ах зоотехник.